


Edizione diplomatica



B. de uentador(n).

Lai can uey la fuelha. iustal albre chazer. qui que pes
os duelha. ami deu bon saber. non crezatz quieu uuelha. flor
ni fuelha uezer. car uas mi serguelha. silh quieu pus suelh
auer. cor ay que men tuelha. mas ges non ai poder. ca-
des cug ma cuelha. on pus men desesper. Estranha

nouela. poira de
mi auzir. q(ue) can
uey la bela. q(uem)

solia culhir eras nom apela. nim fai uas si uenir. lo cor sotz
laissela. mi uol de dol partir. dieus q(ue)l mo(n) capdela. sil play
me do(n) iauzir. q(ue) saisis reuela. noia mas del murir.

Image not found

https://letteraturaeuropea.let.uniroma1.it/?q=sites/default/files/styles/661/public/R%20%283%29_17.jpeg&itok=w5mDjr5i

No(n)

ay may fiansa. e(n) ag(ur) ni e(n) sort. ma bonesp(er)ansa. ma cofo(n)dut e
mort. car tant luenh me lansa. la bela q(ui)eu am fort. ca(n) li q(ui)
er samansa. com si lauia tort. ta(n) nai de peza(n)sa. que totz me(n)
desconort. mas no(n) fas semblansa. cades chant em deport

Als no sai q(ue) dire. mas mot fas gran folor. car am
e dezire. del mo(n) la belazor. fag ma pietz daussire. garda(n) so(n)
mirador. et a mo(n) albire. no(n) ay guerrier peior. q(ue) ial ior(n) q(ue)l
mire. ni cossir sa ualor. no s(er)ai iauzire. de leys ni de samor.

Image not found

https://letteraturaeuropea.let.uniroma1.it/?q=sites/default/files/styles/661/public/R%20%284%29_17.jpeg&itok=bcrWXGG_

Ia p(er) drudaria. no(m) am ni nos coue. p(er)o sil plazia. q(uem)
fezes cal q(ue) be. ieu li iuraria sobre la mia fe. q(ue)l bes q(uem) faria.
no fos sauputz p(er) me. e(n) so(n) bel plazer sia. q(ui)eu soi e(n) sa m(er)ce. sil
plai q(uem) ausia. q(ue) no me(n) clam de re. **Ben** es dretz q(uem) pla-
nha. si perc p(er) mo(n) erguelh. la bona companha. el solatz o(n) ieu
suelh petit mi guazanha. lo fals arditz q(ui)eu cuelh. car uas mi
sestranha. silh q(ui)eu pus am e uuelh. erguelh dieu uos franha.
q(ue)r e(n) plora(n) miei huelh. dretz es q(uem) sofranha. totz iois q(ui)eu eys
lom tuelh.

Image not found

https://letteraturaeuropaea.let.uniroma1.it/?q=sites/default/files/styles/661/public/R%20%285%29_17.jpeg&itok=7TpVxNnj

En co(n)tral dampnatie. e(n) la pena q(ui)eu tray. ai
mo(n) bo(n) uzatge. cades cossir de lay. erguelh e folatge. e uilania
fai. q(uim) creis mo(n) coratge. ni dautram met e(n) plaig. car melhor
messatie. e(n) tot lo mo(n) no(n) ai. e metil e(n) gatie. a la bela q(uem) play.

Dona mo(n) coratge. melhor amic q(ue) ai. uos ma(n) e(n) ostate.
e(n) tro q(ui)eu tor(n) de sai.

- letto 483 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-2298>